



Broj: 01-50-1-15-8/15
Sarajevo, 11.3.2015.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

PRIMLJENO: 17. 3. 2015.

Organizaciona jedinica	Klasifikaciona oznaka	Redni broj	Broj priloga

B

ZAPISNIK
8. sjednice Predstavničkog doma
Parlamentarne skupštine Bosne i Hercegovine,
održane 11. 3. 2015.

Sjednica je počela u 10,05 sati. Prisustvovao je 41 poslanik.¹

Odsustvo sa sjednice opravdao je Nikola Špirić.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a, EUSR-a, OSCE-a, USAID-a i UNDP-a. Također, sjednicu su pratili predstavnici britanske ambasade, a iz nevladinih organizacija prisustvovao je predstavnik CCI-ja.

Predsjedavajući Doma Šefik Džaferović rekao je da će poslanicima, u skladu s članom 171. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 172. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- Mirsad Donlagić – predsjedavajućem Vijeća ministara BiH i ministru civilnih poslova BiH,
- Aleksandra Pandurević - predsjedavajućem Vijeća ministara BiH ili ministru finansija i trezora BiH,
- Borjana Krišto – zamjeniku ministra sigurnosti BiH,
- Šefik Džaferović – predsjedavajućem Vijeća ministara BiH i
- Salko Sokolović – zamjenici ministra vanjske trgovine i ekonomskih odnosa BiH.

Ove najave su, u skladu s članom 172. Poslovnika, dostavljene predsjedavajućem Vijeća ministara BiH i onom članu Vijeća ministara BiH na koga se pitanje odnosi. Još želim podsjetiti da je osiguran i direktan TV prijenos ovog dijela sjednice, u skladu s članom 171. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Mirsad Donlagić

Najava upućena predsjedavajućem Vijeća ministara BiH i ministru civilnih poslova BiH:
„Interesira me šta ministar Nović, odnosno njegovo ministarstvo, odnosno Vijeće ministara

¹ Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a.

ima namjeru učiniti da se uopće ambijent ili promijeni ili da se pokrenu procesi koji će bar zadržati stagniranje visokog obrazovanja u Bosni i Hercegovini, a da ne kažem stvoriti pretpostavke za iskorak ka boljim i višim standardima, koji su, recimo, mjerljivi i prepoznatljivi, ne samo u Bosni i Hercegovini, nego i u našem okruženju?²

- Odgovor na pitanje dao je ministar civilnih poslova BiH Sredoje Nović. S obzirom na to da je, zbog ograničenog vremena, na sjednici dat dio odgovora u usmenoj formi, od ministra je zatraženo da odgovor dostavi u pisanoj formi.

Aleksandra Pandurević

Najava upućena predsjedavajućem Vijeća ministara BiH ili ministru finansija i trezora BiH: „Da li je Vijeće ministara BiH upoznato s činjenicom da je UIO krajem decembra prošle godine sklopila ugovor vrijedan 8,4 miliona KM za prvu fazu gradnje novog graničnog prijelaza kod Gradiške? S obzirom na to da je još uvijek neizvjesna gradnja mosta na Savi, na osnovu kojih parametara je donijeta ovakva odluka?“

- Predsjedavajući Vijeća ministara BiH Vjekoslav Bevanda rekao je da je odgovor na navedeno pitanje zatražen od Uprave za indirektno oporezivanje BiH. S obzirom na to da odgovor nije dat na sjednici, od predsjedavajućeg Vijeća ministara BiH zatraženo je da odgovor, zajedno s kompletnom dokumentacijom u vezi s gradnjom novog graničnog prijelaza kod Gradiške, dostavi u pisanoj formi.

Borjana Krišto

Najava upućena ministru sigurnosti BiH: „Šta se preduzima i šta je preduzeto da se spriječe aktivnosti i otkriju akteri koji, preko osumnjičenih i osuđenih lica za teška krivična djela, pokušavaju režirati montirane sudske procese protiv visokopozicioniranih političara?“

- Zamjenik ministra sigurnosti BiH Mladen Čavara rekao je da će odgovor na navedeno pitanje dostaviti u pisanoj formi.

Šefik Džaferović

Najava upućena predsjedavajućem Vijeća ministara BiH: „U kojoj fazi je donošenje odluke Vijeća ministara BiH o mehanizmu koordinacije institucija svih nivoa vlasti u Bosni i Hercegovini u procesu pristupanja Evropskoj uniji i šta su stvarni problemi, odnosno tačke neslaganja u Vijeću ministara BiH po ovom pitanju, te kada će oni biti otklonjeni?“

- Odgovor na pitanje dao je predsjedavajući Vijeća ministara BiH Vjekoslav Bevanda. S obzirom na to da je, zbog ograničenog vremena, na sjednici dat dio odgovora u usmenoj formi, od predsjedavajućeg je zatraženo da odgovor dostavi u pisanoj formi.

Salko Sokolović

Najava upućena zamjenici ministra vanjske trgovine i ekonomskih odnosa BiH (odnosno direktoru Ureda za veterinarstvo BiH):

1. „Šta ste kao direktor nadležnog organa BiH preduzeli u posljednjih godinu dana kako bi se preporuke inspekcije FWO-a ispunile?“

² Dio neautoriziranog transkripta 8. sjednice Predstavničkog doma.

2. Koje zakonske i podzakonske akte ste pripremili kako bi ih uskladili s legislativom EU spomenutom u preporukama inspekcije FWO-a?
3. Da li ste pripremili i usaglasili plan aktivnosti za otklanjanje nedostataka koje je uočila inspekcija FWO-a i da li je takav plan prihvatila EU?
4. Da li ste pripremili ikakav plan i počeli provođenje neophodnih obuka inspektora svih nivoa vlasti u BiH?
5. Kakav nivo saradnje i koordinacije ste uspostavili s ministrom vanjske trgovine i ekonomskih odnosa BiH kao i s nadležnim ministrima iz entitetskih vlada na rješavanju uočenih nedostataka?
6. Molim da precizirate vremenski okvir kada ćete provesti sve neophodne aktivnosti i osigurati uslove za izvoz mlijeka i mliječnih proizvoda, mesa i mesnih proizvoda kao i ostalih prehrambenih proizvoda iz BiH?“

- Zamjenica ministra vanjske trgovine i ekonomskih odnosa BiH Ermina Salkičević-Dizdarević nije prisustvovala sjednici, te je konstatirano da će navedeno pitanje biti postavljeno na prvoj narednoj sjednici Doma koja bude predviđena za pitanja u usmenoj formi.

Nakon postavljanja poslaničkih pitanja u pisanoj formi, predsjedavajući Doma rekao je da je u pripremi ove sjednice Doma održana sjednica Ustavnopravne komisije, a zatim je podsjetio na dopune dnevnog reda sjednice Doma, kako slijedi:

U dnevni red dodate su:

- **Tačka 3.** Zahtjev Doma naroda Parlamentarne skupštine BiH za razmatranje Prijedloga zakona o izmjeni Krivičnog zakona BiH po hitnom postupku, u skladu s članom 133. Poslovnika Doma, zakon broj: 01-02-1-4/15, od 6.3.2015. i
- **Tačka 8.** Upoznavanje Doma i donošenje odluke o daljnjoj proceduri vezanoj za realiziranje Odluke Predstavničkog doma o provođenju javnog saslušanja, usvojene povodom rasprave o Izvještaju o izvršenoj reviziji učinka o temi: “Kontrola zračnog saobraćaja BiH”, materijal Ureda za reviziju institucija BiH, broj: 01-16-1-1131/14, od 11.2.2015. (*donošenje odluke u skladu sa članom 21. stav (3) Poslovnika, kada Kolegij Doma nije postigao konsenzus*).

Nakon ovih napomena, predsjedavajući je otvorio raspravu o dnevnom redu sjednice.

Staša Košarac je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH.

U raspravi o dnevnom redu učestvovali su: Denis Bećirović, Dušanka Majkić, Milica Marković, Staša Košarac i Asim Sarajlić.

Prijedlog poslanika iz Kluba SNSD-a: Staše Košarca, Lazara Prodanovića, Nikole Špirića, Milice Marković, Miroslava Milovanovića, Dušanke Majkić i Jovana Vukovljaka za dopunu dnevnog nije usvojen – šest poslanika glasalo je „za“ (iz Republike Srpske), 32 „protiv“, a dva poslanika bila su „suzdržana“.

Predsjedavajući je konstatirao da 8. sjednica Predstavničkog doma ima sljedeći

DNEVNI RED

1. Usvajanje Zapisnika 7. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev Doma naroda Parlamentarne skupštine BiH za razmatranje Prijedloga zakona o izmjeni Krivičnog zakona BiH po hitnom postupku, u skladu s članom 133. Poslovnika Doma, zakon broj: 01-02-1-4/15, od 6.3.2015.;
4. Izbor članova zajedničkih komisija oba doma Parlamentarne skupštine BiH iz Predstavničkog doma:
 - a. Zajedničke komisije za odbranu i sigurnost BiH,
 - b. Zajedničke komisije za nadzor nad radom Obavještajno-sigurnosne agencije BiH,
 - c. Zajedničke komisije za ekonomske reforme i razvoj,
 - d. Zajedničke komisije za evropske integracije,
 - e. Zajedničke komisije za administrativne poslove,
 - f. Zajedničke komisije za ljudska prava;
5. Imenovanje članova delegacija Parlamentarne skupštine BiH iz Predstavničkog doma:
 - a. Delegacije PSBiH u Interparlamentarnoj grupi BiH u Interparlamentarnoj uniji (IPU),
 - b. Delegacije PSBiH u Parlamentarnoj skupštini Vijeća Evrope (PSVE),
 - c. Delegacije PSBiH u Parlamentarnoj skupštini Organizacije za evropsku sigurnost i saradnju (PSOSCE),
 - d. Delegacije PSBiH u Parlamentarnoj skupštini Sjevernoatlantskog saveza (PSNATO),
 - e. Delegacije PSBiH u Centralnoevropskoj inicijativi (CEI),
 - f. Delegacije PSBiH u Parlamentarnoj skupštini Mediterana (PSM),
 - g. Delegacije PSBiH u Parlamentarnoj skupštini Unije za Mediteran (PSUzM),
 - h. Delegacije PSBiH u Parlamentarnoj skupštini Procesu saradnje u Jugoistočnoj Evropi (PSSEECp),
 - i. Delegacije PSBiH u Parlamentarnoj skupštini zemalja frankofonskog govornog područja (PSF);
6. Prijedlog rezolucije o Sutorini, predlagач: poslanik Denis Bećirović, broj: 01-02-2-1440/14, od 24.12.2014., po obavljenoj javnoj raspravi;
7. Razmatranje poslaničke inicijative Denisa Bećirovića, podnesene na 6. sjednici Doma, održanoj 11.2.2015., koja glasi: „*Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se zadužuje Vijeće ministara BiH da u 2015. godini pripremi i u parlamentarnu proceduru dostavi Prijedlog zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.*“, akt broj: 01-50-1-253/15, od 11.2.2015.;
8. Upoznavanje Doma i donošenje odluke o daljnjoj proceduri vezanoj za realiziranje Odluke Predstavničkog doma o provođenju javnog saslušanja, usvojene povodom rasprave o Izvještaju o izvršenoj reviziji učinka o temi: “Kontrola zračnog saobraćaja BiH”, materijal Ureda za reviziju institucija BiH, broj: 01-16-1-1131/14, od 11.2.2015. (*donošenje odluke u skladu s članom 21. stav (3) Poslovnika, kada Kolegij Doma nije postigao konsenzus*).

Ad. 1. Usvajanje Zapisnika 7. sjednice Predstavničkog doma Parlamentarne skupštine BiH

Predsjedavajući je rekao da je poslanicima dostavljen Zapisnik.

Nije bilo primjedbi na Zapisnik.

Zapisnik 7. sjednice usvojen je jednoglasno - s 27 glasova "za" (iz Federacije BiH 21, iz Republike Srpske šest).

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 174. Poslovnika, do ove sjednice Doma, inicijative i pitanja u pisanoj formi postavili poslanici:

- **Senad Šepić** – pitanje postavio Vijeću ministara BiH i
- **Mirsad Đonlagić** –inicijativu uputio Ministarstvu civilnih poslova BiH.

Sadržaj pitanja i inicijative predatih u pisanoj formi je sljedeći:

Senad Šepić

Pitanje upućeno Vijeću ministara BiH: „Molim da mi dostavite informaciju o tome kako je pripremljen, ko je sve učestvovao u izradi i kako se održava na ekonomsku i finansijsku politiku u BiH nacionalni program ekonomskih reformi (NERP), koji je Vijeće ministara BiH usvojilo na sjednici od 11.2.2015.“

Mirsad Đonlagić

Inicijativa upućena Ministarstvu civilnih poslova BiH: „Na osnovu člana 174. Poslovnika Predstavničkog doma Parlamentarne skupštine BiH, podnosim Inicijativu kojom predlažem Ministarstvu civilnih poslova BiH da utvrdi kriterije i preuzme obavezu prioritnog finansiranja državnih reprezentacija u kolektivnim sportovima i uspješnih pojedinaca u pojedinačnim sportovima, a koji učestvuju u ciklusu (kvalifikacije i završni turniri) evropskih i svjetskih prvenstava i konačno olimpijskih igara.“

Predsjedavajući je podsjetio da su do ove sjednice dostavljeni sljedeći odgovori:

- Na pitanje **Saše Magazinovića**, postavljeno u usmenoj formi na 6. sjednici Doma, odgovor je dostavilo Vijeće ministara BiH,
- Na pitanje **Senada Šepića**, postavljeno u pisanoj formi na 5. sjednici Doma, odgovor je dostavila Vlada Federacije BiH,
- Na pitanje **Denisa Bećirovića**, postavljeno u pisanoj formi na 3. sjednici Doma, odgovor je dostavilo Federalno ministarstvo rada i socijalne politike,
- Na pitanje **Safera Demirovića**, postavljeno u pisanoj formi, odgovor je dostavilo Vijeće ministara BiH (odgovor Instituta za standardizaciju BiH),

Nije bilo komentara na dostavljene odgovore.

Ad. 3. Zahtjev Doma naroda Parlamentarne skupštine BiH za razmatranje Prijedloga zakona o izmjeni Krivičnog zakona BiH po hitnom postupku, u skladu s članom 133. Poslovnika Doma, zakon broj: 01-02-1-4/15, od 6.3.2015.

Predsjedavajući je dao uvodne napomene.

Nije bilo rasprave.

Zahtjev za hitni postupak usvojen je jednoglasno – s 34 glasa „za“ (iz Federacije BiH27, iz Republike Srpske sedam).

Prijedlog zakona o izmjeni Krivičnog zakona BiH također je usvojen jednoglasno – s 34 glasa „za“ (iz Federacije BiH27, iz Republike Srpske sedam).

Ad. 4. Izbor članova zajedničkih komisija oba doma Parlamentarne skupštine BiH iz Predstavničkog doma:

- a. Zajedničke komisije za odbranu i sigurnost BiH,
- b. Zajedničke komisije za nadzor nad radom Obavještajno-sigurnosne agencije BiH,
- c. Zajedničke komisije za ekonomske reforme i razvoj,
- d. Zajedničke komisije za evropske integracije,
- e. Zajedničke komisije za administrativne poslove,
- f. Zajedničke komisije za ljudska prava;

Predsjedavajući je u uvodnim napomenama, uz ostalo, rekao da je prijedlog članstva u zajedničkim komisijama utvrđen na sjednici Zajedničkog kolegija oba doma.

U raspravi su učestvovali: Damir Arnaut, Asim Sarajlić, Nermina Kapetanović, Maja Gasal-Vražalica, Zaim Backović, Borjana Krišto, Nikola Lovrinović i Šefik Džaferović.

Damir Arnaut istakao je da je u prijedlogu odluke prekršena odredba člana 52. Poslovnika Doma, prema kojoj se dvije trećine članova biraju s teritorije Federacije BiH, a jedna trećina s teritorije Republike Srpske, i to u prijedlogu za članstvo u tri zajedničke komisije. Tražio da se njegova primjedba, odnosno poslovnička intervencija, u skladu s članom 92. stav (2) Poslovnika, unese u zapisnik, te da zatim predsjedavajući djeluje u skladu s članom 76. stav (1) Poslovnika i da odluči o opravdanosti prigovora.

Zbog iznesenih primjedbi poslanika Damira Arnauta, predsjedavajući je odredio pauzu u radu sjednice u toku koje je Kolegij Doma u proširenom sastavu obavio dodatne konsultacije, te su utvrđene izmjene u odnosu na prijedlog Zajedničkog kolegija, kojima su ispravljene greške u pogledu entitetske zastupljenosti.

Prilikom glasanja, poslanik Nikola Lovrinović predložio je da se o izboru članova zajedničkih komisija Dom izjašnjava pojedinačno. Ovaj prijedlog nije prihvaćen – „za“ je glasalo 11 poslanika (iz Federacije BiH devet, iz Republike Srpske dva), „protiv“ 16, a „suzdržana“ su bila tri poslanika.

Dom je, s 21 glasom „za“ (iz Federacije BiH 14, iz Republike Srpske sedam), „protiv“ 11 i dva „suzdržana“ glasa, izabrao članove zajedničkih komisija oba doma iz Predstavničkog doma, kako slijedi:

Za članove Zajedničke komisije za odbranu i sigurnost BiH iz Predstavničkog doma izabrani su:

1. Borislav Bojić
2. Borjana Krišto
3. Hazim Rančić
4. Šemsudin Mehmedović
5. Hanka Vajzović
6. Dušanka Majkić.

Za članove Zajedničke komisije za nadzor nad radom Obavještajno-sigurnosne agencije BiH iz Predstavničkog doma izabrani su:

1. Đorđo Krčmar
2. Željko Komšić
3. Mirsad Mešić
4. Sadik Ahmetović
5. Vjekoslav Bevanda
6. Damir Bećirović.

Za članove Zajedničke komisije za ekonomske reforme i razvoj iz Predstavničkog doma izabrani su:

1. Đorđo Krčmar
2. Safer Demirović
3. Salko Sokolović
4. Momčilo Novaković
5. Zaim Backović
6. Jasmin Emrić.

Za članove Zajedničke komisije za evropske integracije iz Predstavničkog doma izabrani su:

1. Nikola Lovrinović
2. Nermina Kapetanović
3. Saša Magazinović
4. Fehim Škaljić
5. Aleksandra Pandurević
6. Milica Marković.

Za članove Zajedničke komisije za administrativne poslove iz Predstavničkog doma izabrani su:

1. Borjana Krišto
2. Momčilo Novaković
3. Maja Gasal-Vražalica
4. Amir Fazlić
5. Mirsad Donlagić
6. Staša Košarac.

Za članove Zajedničke komisije za ljudska prava iz Predstavničkog doma izabrani su:

1. Borislav Bojić
2. Denis Bećirović
3. Lazar Prodanović
4. Damir Arnaut
5. Mensura Beganović

6. Nermina Kapetanović.

Ad. 5. Imenovanje članova delegacija Parlamentarne skupštine BiH iz Predstavničkog doma:

- a. Delegacije PSBiH u Interparlamentarnoj grupi BiH u Interparlamentarnoj uniji (IPU),
- b. Delegacije PSBiH u Parlamentarnoj skupštini Vijeća Evrope (PSVE),
- c. Delegacije PSBiH u Parlamentarnoj skupštini Organizacije za evropsku sigurnost i saradnju (PSOSCE),
- d. Delegacije PSBiH u Parlamentarnoj skupštini Sjevernoatlantskog saveza (PSNATO),
- e. Delegacije PSBiH u Centralnoevropskoj inicijativi (CEI),
- f. Delegacije PSBiH u Parlamentarnoj skupštini Mediterana (PSM),
- g. Delegacije PSBiH u Parlamentarnoj skupštini Unije za Mediteran (PSUzM),
- h. Delegacije PSBiH u Parlamentarnoj skupštini Procesu saradnje u Jugoistočnoj Evropi (PSSEECp),
- i. Delegacije PSBiH u Parlamentarnoj skupštini zemalja frankofonskog govornog područja (PSF)

Predsjedavajući je dao uvodne napomene, rekavši da je Prijedlog odluke utvrdio Zajednički kolegij oba doma.

U raspravi su učestvovali: Mirsad Mešić, Momčilo Novaković, Mirsad Đonlagić, Aleksandra Pandurević, Damir Arnaut, Jasmin Emrić, Zaim Backović, Šefik Džaferović, Nikola Lovrinović, Borjana Krišto i Nermina Kapetanović.

Kolegij u proširenom sastavu utvrdio je manje izmjene i u članstvu iz Predstavničkog doma u parlamentarnim delegacijama.

Nikola Lovrinović predložio je da se obavi pojedinačno glasanje o članstvu u svakoj od parlamentarnih delegacija. Ovaj prijedlog nije prihvaćen – “za” je glasalo 10 poslanika (iz Federacije BiH), “protiv” 18, a šest poslanika bilo je “suzdržano”.

Dom je, s 26 glasova “za” (iz Federacije BiH 19, iz Republike Srpske sedam), šest “protiv” i dva “suzdržana” glasa, imenovao članove delegacija Parlamentarne skupštine BiH iz Predstavničkog doma, kako slijedi:

Za članove Interparlamentarne grupe BiH u Interparlamentarnoj uniji (IPU) iz Parlamentarne skupštine BiH iz Predstavničkog doma imenovani su:

1. Nenad Lalić
2. Vjekoslav Bevanda
3. Salko Sokolović
4. Mirsad Đonlagić
5. Damir Bećirović
6. Jovan Vukovljak
7. Denis Bećirović.

Za članove Delegacije Parlamentarne skupštine BiH u Parlamentarnoj skupštini Vijeća Evrope (PSVE) iz Predstavničkog doma imenovani su:

1. Senad Šepić
2. Borjana Krišto
3. Mladen Bosić
4. Milica Marković
5. Željko Komšić

- Zamjenici:

1. Nermina Kapetanović
2. Saša Magazinović
3. Damir Arnaut.

Za članove Delegacije Parlamentarne skupštine BiH u Parlamentarnoj skupštini Organizacije za sigurnost i saradnju u Evropi (PSOSCE) iz Predstavničkog doma imenovana je:

1. Aleksandra Pandurević.

Za članove Delegacije Parlamentarne skupštine BiH u Parlamentarnoj skupštini Sjevernoatlantskog saveza (PSNATO) iz Predstavničkog doma imenovani su:

1. Nikola Lovrinović
2. Dušanka Majkić
3. Asim Sarajlić.

Za članove Delegacije Parlamentarne skupštine BiH u Centralnoevropskoj inicijativi (CEI) iz Predstavničkog doma imenovani su:

1. Monika Tomić
2. Maja Gasal-Vražalica.

Za članove Delegacije Parlamentarne skupštine BiH u Parlamentarnoj skupštini Mediterana (PAM) iz Predstavničkog doma imenovani su:

1. Šemsudin Mehmedović
2. Mensura Beganović.

Za članove Parlamentarne skupštine Unije za Mediteran (PSUzM) iz Parlamentarne skupštine BiH iz Predstavničkog doma imenovani su:

1. Hazim Rančić
2. Diana Zelenika.

Za članove Parlamentarne skupštine Procesu saradnje u Jugoistočnoj Evropi (PSSEEC) iz Parlamentarne skupštine BiH iz Predstavničkog doma imenovani su:

1. Šefik Džaferović
2. Momčilo Novaković
3. Hanka Vajzović
4. Fehim Škaljić

- **Zamjenici:**

1. Jasmin Emrić
2. Zaim Backović.

Za članove Parlamentarne skupštine zemalja frankofonskog govornog područja (PSF) iz Parlamentarne skupštine BiH iz Predstavničkog doma imenovani su:

1. Salko Sokolović
2. Milica Marković
3. Damir Arnaut.

Ad. 6. Prijedlog rezolucije o Sutorini, predlažać: poslanik Denis Bećirović, broj: 01-02-2-1440/14, od 24.12.2014., po obavljenoj javnoj raspravi

Nakon uvodnih napomena predsjedavajućeg, u raspravi su učestvovali: Mirsad Mešić, Zaim Backović, Šemsudin Mehmedović, Denis Bećirović, Damir Arnaut i Nikola Lovrinović.

Dom je, s 20 glasova „za“ (iz Federacije BiH 13, iz Republike Srpske sedam), šest „protiv“ i devet „suzdržanih“ glasova, na prijedlog Ustavnopravne komisije, koja je procijenila da je potrebno obaviti dodatne konsultacije sa stručnjacima iz oblasti ustavnog i međunarodnog javnog prava, odredio novi rok od 30 dana kako bi Komisija održala posebnu sjednicu na koju bi bili pozvani stručnjaci iz navedenih oblasti i koji bi dali svoja mišljenja u vezi s pitanjem statusa Sutorine.

Ad. 7. Razmatranje poslaničke inicijative Denisa Bećirovića, podnesene na 6. sjednici Doma, održanoj 11.2.2015., koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosim poslaničku inicijativu kojom se zadužuje Vijeće ministara BiH da u 2015. godini pripremi i u parlamentarnu proceduru dostavi Prijedlog zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.“, akt broj: 01-50-1-253/15, od 11.2.2015.

Predsjedavajući je dao uvodne napomene. Diskutirao je Denis Bećirović.

„Za“ Inicijativu je glasalo 28 poslanika (iz Federacije BiH 27, iz Republike Srpske jedan), „protiv“ sedam, „suzdržanih“ nije bilo. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o Inicijativi.

Ad. 8. Upoznavanje Doma i donošenje odluke o daljnjoj proceduri vezanoj za realiziranje Odluke Predstavničkog doma o provođenju javnog saslušanja, usvojene povodom rasprave o Izvještaju o izvršenoj reviziji učinka o temi: "Kontrola zračnog saobraćaja BiH", materijal Ureda za reviziju institucija BiH, broj: 01-16-1-1131/14, od 11.2.2015. *(donošenje odluke u skladu s članom 21. stav (3) Poslovnika, kada Kolegij Doma nije postigao konsenzus)*

Predsjedavajući je dao uvodne napomene. Prilikom glasanja, Borjana Krišto istakla je poslovničku intervenciju u okviru koje je obrazložila svoj stav povodom ove tačke dnevnog reda.

Dom je, s 26 glasova „za“ (iz Federacije BiH 19, iz Republike Srpske sedam), pet „protiv“ i četiri „suzdržana“ glasa, uputio Odluku Predstavničkog doma o provođenju javnog saslušanja, usvojenu povodom rasprave o Izvještaju o izvršenoj reviziji učinka o temi: "Kontrola zračnog saobraćaja BiH", Komisiji za saobraćaj i komunikacije radi realiziranja.

Sjednica je završena u 15,10 sati.

Sastavni dio Zapisnika je transkript 8. sjednice Predstavničkog doma.

SEKRETAR
PREDSTAVNIČKOG DOMA
mr. sc. Dragoljub Reljić

PREDSJEDAVAJUĆI
PREDSTAVNIČKOG DOMA
Šefik Džaferović